



JP RTV VOGOŠĆA d.o.o. Vogošća

Jošanička 33, 71320 Vogošća

tel: +387 33 424 050

fax: +387 33 586 715

marketing: +387 33 433 462

www.rtvvogosca.ba

rtvvogosca@bih.net.ba

marketing@rtvvogosca.ba

Broj 06-1-156/26

Datum 16.03.2026.

**OPĆINSKO VIJEĆE
V O G O Š Ć A**

PREDMET: Izvještaj o radu i finansijski izvještaj JP RTV VOGOŠĆA d.o.o. Vogošća za 2025.godinu

Poštovani,

U prilogu Vam dostavljamo Izvještaj o radu i finansijski izvještaj JP RTV VOGOŠĆA d.o.o. 2025.godinu na usvajanje.

**Predsjednik Nadzornog odbora
JP RTV VOGOŠĆA d.o.o.**

[Redacted signature]



DOSTAVLJENO:

- Općinsko vijeće
- arhiva

JP RTV VOGOŠĆA d.o.o.
V O G O Š Ć A
SKUPŠTINA PREDUZEĆA
Broj: 06-1-153/26
Datum: 12.03.2026.

Na osnovu člana 22. tačka u) Statuta JP RTV Vogošća d.o.o. Vogošća, razmatrajući IZVJEŠTAJ O RADU I FINANSIJSKI IZVJEŠTAJ JP RTV Vogošća d.o.o. ZA 2025. GODINU, na prijedlog Nadzornog odbora, Skupština Preduzeća na sjednici, održanoj dana: 12.03.2026. godine, d o n o s i:

ODLUKU O USVAJANJU IZVJEŠTAJ O RADU I FINANSIJSKOG IZVJEŠTAJ JP RTV VOGOŠĆA d.o.o. ZA 2025.GODINU

I

U S V A J A J A S E Izvještaj o radu i finansijski izvještaj JP RTV VOGOŠĆA d.o.o. Vogošća za 2025.godinu.

II

Odluka stupa na snagu danom donošenja.

Predsjednica Skupštine JP RTV VOGOŠĆA d.o.o.

Aida Selimović



DOSTAVITI:

- Općinsko vijeće Vogošća
- Služba za privredu, integrisani lokalni razvoj i društvene djelatnosti
- a/a

JP RTV VOGOŠĆA d.o.o.
V O G O Š Ć A
Broj: 06-1-150/26
Datum: 12.03.2026.

Na osnovu člana 26. Statuta JP RTV VOGOŠĆA d.o.o. Nadzorni odbor je na svojoj sjednici održanoj dana 11.03.2026.godine donio:

O D L U K U

I

USVAJA SE Izvještaj o radu i finansijski izvještaj JP RTV VOGOŠĆA d.o.o. za 2025.godinu jednoglasno.

II

Odluka stupa na snagu danom donošenja.

Predsjednik NO JP RTV VOGOŠĆA d.o.o.



DOSTAVLJENO:

- Općinsko vijeće Vogošća
- Služba za privredu, integrisani lokalni razvoj i društvene djelatnosti
- Nadzorni odbor JP RTV VOGOŠĆA d.o.o.
- Skupština JP RTV VOGOŠĆA d.o.o.
- arhiva



JP RTV VOGOŠĆA d.o.o. Vogošća

Jošanička 33, 71320 Vogošća

+387 33 424 050

www.rtvvogosca.ba

info@rtvvogosca.ba

Broj: 06-1-154/26

Datum: 12.03.2026.

IZVJEŠTAJ O RADU I FINANSIJSKI IZVJEŠTAJ JP RTV VOGOŠĆA d.o.o. VOGOŠĆA ZA 2025.GODINU

PREDLAGAČ:
NADZORNI ODBOR JP RTV VOGOŠĆA d.o.o. VOGOŠĆA

mr.pec.Nijaz Avdukić



OBRADIVAČ:

Edin Spahić, direktor

DOSTAVLJENO:

- Općinsko vijeće Vogošća
- Služba za privredu, integrisani lokalni razvoj i društvene djelatnosti
- arhiva

IZVJEŠTAJ O RADU I FINANSIJSKI IZVJEŠTAJ JP RTV VOGOŠĆA D.O.O.
VOGOŠĆA ZA 2025. GODINU



SADRŽAJ

<u>UVOD</u>	3
<u>UPRAVNA I NADZORNA TIJELA</u>	3
<u>LJUDSKI RESURSI</u>	3
<u>MATERIJALNI RESURSI</u>	4
<u>DIGITALIZACIJA</u>	5
<u>TELEVIZIJA VOGOŠĆA</u>	5
<u>MARKETING</u>	8
<u>FINANSIJSKI IZVJEŠTAJ</u>	9

**UVOD**

JP RTV Vogošća d.o.o. (u daljem tekstu: RTV Vogošća/Preduzeće) je svoje poslovanje za period 01.01. – 31.12.2025. godine provela prema Planu koji je usvojila Skupština preduzeća i predstavlja pregled prihoda i rashoda, odnosno izvještaj o provedenim aktivnostima u ukupnom poslovanju, a sve u skladu sa zakonskim normama što potvrđuju i pozitivna mišljenja Nezavisnog revizora iz prethodnih godina.

Želimo naglasiti da Preduzeće funkcioniše uspješno uprkos svim neprilikama u okruženju i da se sve obaveze prema radnicima, kao i prema našim poslovnim partnerima izvršavaju na vrijeme. Također, zahvaljujući dobroj saradnji sa Osnivačem, u svakom smislu, želimo reći da ćemo i dalje biti odlučni ispunjavati svoj dio zadatka uz nadu za što boljim razumijevanjem u svakom segmentu.

Bez obzira na nedovoljan broj uposlenika uspijevamo, uz sve napore, odgovoriti osnovnoj ideji postojanja RTV Vogošća da informiše lokalnu zajednicu o svim dešavanjima u istoj i šire. U vrlo teškom vremenu, vremenu ekonomske nesigurnosti i inflacije, teškom poslovnom okruženju, uspijevamo opstati na medijskom tržištu, uz puni angažman i pravilnu preraspodjelu poslova i uposlenika.

UPRAVNA I NADZORNA TIJELA

Na osnovu Zakona o Javnim preduzećim FBiH, Zakona o privrednim društvima FBiH i Statuta preduzeća, RTV VOGOŠĆA ima svoja upravna i nadzorna tijela i to: Skupštinu Preduzeća koja broji tri (3) člana, Nadzorni odbor od tri (3) člana, Odbora za reviziju koji također broji tri (3) člana, te vanjskog revizora koji vrši reviziju.

LJUDSKI RESURSI

Prema unutrašnjoj organizaciji i sistematizaciji poslova i radnih zadataka planirano je 29 izvršilaca. Predmetnu godinu smo završili sa ukupno 14 (četnaest) radnika od kojih je 11 (jedanaest) direktno uključeno u proizvodnju i emitovanje kompletnog programa RTV Vogošća – 3 (tri) radnika u programu Radija, 4 (četiri) novinara u televizijskoj ekipi koji pripremaju i uređuju priloge i emisije, 2 (dva) snimatelja, 1 (jedan) realizator rtv programa i glavni i odgovorni urednik. Ovdje nisu navedeni saradnici po autorskim ugovorima, projektima, privremenim i povremenim poslovima i drugim vrstama ugovora koji doprinose proizvodnji i realizaciji programa.

U 2026. godini neophodno je angažovanje novih ljudi koji će unijeti novu energiju i omogućiti realizaciju redovnih radnih zadataka.

U narednim tabelama donosimo pregled ljudskih resursa sa referencama:

Tabela broj 1: Kretanje broja

Neodređeno	10
Određeno	4
Pripravnici	0
Povremeni poslovi	1
Autorski ugovori	2
UKUPNO	17



RADIO I TELEVIZIJA VOGOŠĆA

Tabela broj 2: Kvalifikaciona struktura kadrova u 2025. godini

Kvalifikacija	Ukupno
VSS	8
VŠS	0
SSS	9
UKUPNO	17

Tabela broj 3: Starosna struktura kadrova u 2025. godini

Vrsta radnog odnosa	50-65 godina	40-50 godina	30-40 godina	20-30 godina
Neodređeno	6	5	0	0
Određeno	0	0	3	0
Pripravnik	0	0	0	0
Povremeni poslovi	1	0	0	0
Autorski ugovori	2	0	0	0
PROSJEK	47.8 godina			

Iz gore predloženih podataka se vidi da je prosječna starosna dob radnika preduzeća 47.8 godina što predstavlja problem produktivnosti. Dodatni problem na ovo su i konstantna bolovanja sa kojima se konstantno suočavamo.

Tokom 2025. godine evidentirano je 177 dana bolovanja i procjena je da, kad se uzmu u obzir i godišnji odmori, u prosjeku svakog radnog dana nedostaje jedan ili dva radnika. Zbog zdravstvenog stanja i godina starosti većine radnika, možemo očekivati da se situacija sa bolovanjima neće bitnije promijeniti ni u 2026. godini. Zato je neophodno angažovanje novih radnika koji će unijeti novu energiju i omogućiti realizaciju redovnih radnih zadataka. Ono što RTV Vogošća radi je svakako priznato kod onih koji razumiju rad medija i prilike u kojima se mediji uopšte nalaze. Praksa iz prethodnih godina pokazuje da smo opredjeljeni da radimo predano kako bi svaki stanovnik Vogošće i svi oni koji je osjećaju svojom bili ponosni na postojanje RTV Vogošća.

MATERIJALNI RESURSI

RTV Vogošća kontinuirano radi na održavanju postojeće materijalno - tehničke opreme, što pokazuje činjenica da u tom smislu idemo u korak sa savremenim dostignućima. Tako smo i u izvještajnoj godini nastavili sa investicionim ulaganjima i održavanjem postojeće opreme kako bi na najbolji način odgovorili zadatku.

Prenesena kapitalna sredstva smo uložili u rekonstrukciju Radija čime smo napravili dodatni iskorak u tehničkom smislu i stvorili pretpostavku za nove projekte. Rekonstrukcija je podrazumjevala potpuno nove elektro i mrežne instalacije kao prvu pretpostavku, zatim građevinske i tapetarske radove i konačno najvažnije tehničku opremu.

Također smo obezbijedili autonomno napajanje električnom energijom sa svim potrebnim instalacijama (uzemljenje, ups, tehnička struja...).



Rješenje zagrijavanja prostorija Preduzeća (zbog BAGSA) smo uspjeli naći u ugradnji invertera.

Kako smo prethodno izvještavali predajna lokacije Grdonj sa antenskim stubom i objektom za predajnike također zahtjeva kontinuirano održavanje i ulaganje u emisioni sistem.

Ovaj objekat je od višestruke važnosti koji pored predajnika RTV Vogošća koristi i za predajnike CZ Vogošća, te MUP-a za video nadzor.

DIGITALIZACIJA

Proces digitalizacije medijskog prostora započeo je još prije više od deset godina, a o tome smo govorili sve vrijeme, izvještavali i planirali. Proces digitalizacije unutar Preduzeća smo proveli bez problema te vrlo brzo uskladili sa savremenim tokovima. Međutim, proces digitalizacije u smislu emitovanja digitalnog signala u eteru je nešto sasvim drugo. Regulatorna agencija za komunikacije Bosne i Hercegovine (RAK) je u 2023. godini, tačnije 15. juna izdala nalog za gašenje svih TV predajnika i time je zvanično završena decenijska saga o analognom emitovanju terestrijalnog TV signala. Regulatorna agencija za komunikacije (RAK) izdala je Rješenje o dodjeli dozvole za pravno lice „Dasto-Semtel“ d.o.o. iz Bijeljine za korištenje radiofrekvencijskog spektra za pružanje usluge upravljanja elektronskom komunikacijskom mrežom u digitalnoj zemaljskoj radiodifuziji u Bosni i Hercegovini - Multipleks D, koja važi od 22.11.2021. godine.

Regulatorna agencija za komunikacije je 19.4.2023. godine raspisala Javni poziv za dostavljanje zahtjeva za pristup otvorenom Multipleksu D koji je otvoren do popunjavanja istog. Televizija Vogošća je kao nosilac dozvole imala prednost pri apliciranju za ulazak u Multipleks D u odnosu na televizije koje nemaju dozvolu. Međutim, dobijanjem dozvole RAK-a za pristup Multiplexu D tek se stvara pretpostavka za ulazak u obligacioni odnos sa nosiocem dozvole (pravno lice „Dasto-Semtel“ d.o.o. iz Bijeljine) za korištenje radiofrekvencijskog spektra za pružanje usluge upravljanja elektronskom komunikacijskom mrežom u digitalnoj zemaljskoj radiodifuziji u Bosni i Hercegovini, koji nudi svoje usluge, ranije odobrenim cjenovnikom od strane RAK-a, u devet digitalnih zona u Bosni i Hercegovini. Jedina zona, u kojoj smo imali raniju dozvolu za analogno emitovanje je Bjelašnica, koja u ovom formatu pokriva znatno širu regiju od one za koju smo imali dozvolu. Prema važećem, odobrenom cjenovniku ulazak u Multiplex D košta 5.127,00 KM bez PDV-a, odnosno 5.998,59 KM sa PDV-om na mjesečnoj osnovi ili 71.983,08 KM na godišnjem nivou u SD rezoluciji, a Ugovor se potpisuje na 5,5 godina. Imamo informaciju da Multiplex D još nije do kraja popunjen tako da javni poziv još uvijek važi. Mišljenja smo da o ovom pitanju sami ne možemo donosti odluku.

Televizija Vogošća ima dozvolu od Regulatorne agencije za komunikacije Bosne i Hercegovine (RAK) za emitovanje televizijskog programa, uspješno ispunivši sve zahtjeve koji su bili postavljeni u procesu dodjele dozvola.

TELEVIZIJA VOGOŠĆA

Tokom 2025. godine RTV Vogošća realizovala je aktivnosti u skladu sa utvrđenim Planom. Okosnicu programa Televizije Vogošća čini vlastiti informativni program, koji prati aktivnosti općinske administracije, Kabinet načelnika, subjekte lokalne zajednice, udruženja i sportske kolektive, vjerske zajednice i kulturni život u Vogošći. Centralna informativna emisija koju emitujemo svakog radnog dana od 18:00 i 22:30 sati, te u repriznim terminima iza ponoći i narednog jutra je Vogošćanska hronika. Emisija sadrži aktuelne informativne priloge, uz



učesće aktera javnog i društvenog života Općine Vogošća. Uređivana je naizmjenično, plasirana na You Tube video-servis i FaceBook.

Informativni program objedinjen je u sedmičnom pregledu dešavanja, kroz emisiju Sedam dana u Vogošći. Emisija se emituje vikendom, (subotom u 18:00 i 22:30, nedjeljom u 18:00 te reprizno u noćnim i jutarnjim satima). Ovaj program emituje se i na frekvencijama naših partnerskih TV kuća i produkcija i prusutan je u kablovskom RTV sistemu.

Vremenska prognoza i muzičko-zabavna emisija SMS MUSIC realizovani su u kontinuitetu, s prilagodbom danima žalosti i vjerskim blagdanima, kada je muzički repertoar prigodno reduciran.

Sportski program RTV Vogošća primjetno je ograničen tehničko-tehnološkim resursima i manjkom snimatelja. Ograničeno smo pratili Tradicionalni malonogometni turnir, emitovali priloge o aktivnostima i uspjesima vogošćanskih klubova, a specijalizirana emisija „Plus sport“ emitovana je utorkom, osim u vrijeme ljetne pauze.

U segmentu dokumentarnog programa emitovan je arhivski materijal serijala „Besjede“, a Fondacija i arheološki park „Bosanska piramida sunca“ i ove godine ustupili su dokumentarni serijal o bosanskoj medijavalističkoj povijesti, materijalnim spomenicima i bosanskim srenjovjekovnim dinastijama. Snimljene su i emitovane nove epizode serijala „Besjede“, koji prati zanimljive životne priče iz svih dijelova Bosne i Hercegovine. Našem programu ustupljeni su svi dokumentarni filmovi Produkcije „Pravda Bosna“ koju vodi Avdo Huseinović. Kontinuirano emitovanje ovih filmova doprinosi našem programskom opredjeljenju da se objektivno i u cjelosti osvijetli period savremene prošlosti Bosne i Hercegovine, kultura memorijalizacije i prezentovanja činjenica o agresiji na Bosnu i Hercegovinu, genocidu, ali i herojima Armije Republike Bosne i Hercegovine. Ovaj sadržaj čini osnovu našeg dokumentarnog programa i prepoznatljiv je široj publici. U tom pogledu, posebnu zahvalnost dugujemo vođi produkcijskog tima „Pravda Bosna“ Avdi Huseinoviću. U okviru saradnje s Televizijom SAHAR, ustupljena nam je nova igrana serija „Kimia“, čije premijerno emitovanje je u toku. Ova igrana serija zamijenila je dugogodišnje emitovani serijal „Setaješ“, koji je imao svoju redovnu i prepoznatljivu publiku.

Promjenom općinske administracije u Ilijašu, nastupio je kratkotrajni vakuum u komunikaciji i saradnji na produkciji Hronike Općine Ilijaš. Obnovom ugovora uspostavljena je nova dinamika i otklonjene barijere. Emisija se u 2025. godini emitovala u redovnom, mjesečnom terminu. Osim toga, naručiocu su isporučene i usluge koji nisu bile predviđene ugovorom, u duhu dobre saradnje i opredijeljenosti da ista bude nastavljena i u budućnosti. Međutim, po isteku ugovora, krajem prošle godine nastupio je zastoj u komunikaciji, ugovor nije obnovljen i nema naznaka da će sadržaj biti emitovan u 2026. godini. Postoje jasne indicije da prekid saradnje ima političku pozadinu, kroz pokušaj vijećnika Općinskog vijeća Ilijaš da utječe na način rada i organizacije redakcije JP RTV Vogošća.

U programu Televizije Vogošća emitovane su sve redovne, vanredne i svečane sjednice Općinskog vijeća Vogošća, uz TV i radijsku produkciju emisije „Odgovori na vijećnička pitanja i inicijative.“ Ovaj programski sadržaj doprinosi kriteriju transparentnosti rada lokalne zajednice i izabranih predstavnika građana i od značaja je za sve građane Vogošće.



Kada je riječ o vjerskom programu, emitovani su prigodni sadržaji posvećeni blagdanima svih konfesionalnih zajednica u Vogošći. Ramazanski program realizovan je u tri segmenta: sehurski, popodnevni i iftarski program. Snimane su i emitovane ramazanske hutbe iz vogošćanskih džamija, uz podršku i saradnju s Medžlisom Islamske zajednice Sarajevo.

RTV Vogošća i prošle godine bila je suorganizator manifestacije „Vogošćanski dani 2025.“ Dali smo direktan doprinos u radu Organizacionog odbora, selekciji programskih sadržaja, najavi, promociji i informisanju o svim sadržajima manifestacije. Desetine priloga emitovano je u različitim formatima, snimljeni i emitovani koncerti, smotra KUD-ova, promocije knjiga, izložbe i događaji na otvorenom. U segmentu otvorenog programa realizovana su gostovanja organizatora i učesnika programa manifestacije. Za potrebe realizacije programa manifestacije, RTV Vogošća organizatoru je ustupio usluge konferanse i vođenja programa.

U julu smo pratili dženazu i komemoraciju za ubijene i ekshumirane Bošnjake Tihovića, u za naše uslove, vrlo zahtjevnom organizacijskom i produkcijskom poduhvatu. Početkom septembra, ekipa RTV Vogošća ispratila je i izvještavala o "Volvo run Vogošća 5K" utrci, koja privlači sve veći broj učesnika i sve veću pažnju javnosti.

Rad RTV redakcije u protekloj godini obilježili su pokušaji da se podigne razina profesionalizma, radne discipline i normiranja radnog učinka. Sve to nailazi na očekivan otpor i poteškoće, uslovljene naslijeđenim okolnostima. Najveći dio zaposlenih su previše lokalno orijetnisani i međusobno povezani, pa je teško uspostaviti jasnu granicu između ličnih i profesionalnih interesa. Ipak, usmjeravanje ka postizanju višeg nivoa profesionalnih odnosa mora ostati važan prioritet poslovne politike.

RADIO VOGOŠĆA

Nakon konceptualnih promjena i programskom inoviranju Radija Vogošća u 2024. godini, izmjenama programske sheme, povećanju procenta kulturnih i obrazovnih sadržaja, uvrštavanju kratkih formi i osnaživanju kontakt-programa, radijski program u protekloj 2025. godini poprima obrise dinamične i sadržajne lokalne radijske stanice, koja posredstvom streama sve češće ima povratnu informaciju publike iz dijaspore. Svemu tome uveliko doprinosi uspostavljanje dualne voditeljske smjene, s preciznim uređivačkim i organizacijskim inputima, unutar kojih je "živi" radijski program zaokružen na period od 07.00-19.00 sati, od ponedjeljka do petka.


Krajem protekle godine potpuno je obnovljen studijski prostor radija, instalirana je nova oprema i uspostavljeni uslovi za uvrštavanje novih programskih sadržaja. Ovaj značajan iskorak otvara potpuno nove mogućnosti u medijskoj prezentaciji naše lokalne zajednice, a atraktivno uređen studijski prostor doprinosi boljem imidžu i poziciji našeg medija. Očekujemo da u programskom smislu, 2026. godinu obilježi početak emitovanja podcasta - atraktivne medijske forme, dostupne na svim platformama.



Osnovu programske sheme Radija čine:

Muzički početak dana – sevdah	od 06,00 do 07,00
Jutarnji informativni program	od 07,00 do 11,00
Dječiji program	od 11,00 do 11,30
Podnevni kolažni program u okviru kojeg realizujemo tematska gostovanja	od 11,30 do 15,30
Zabavno-revijalni popodnevni program	od 15,30 do 19,00
Vogošćanska hronika	od 19,00 do 19,30
Dječiji program	od 19,30 do 20,00
Večernji zabavni program	od 20,00 do 22,00
Reprizni program (tematske emisije, Vogošćanska hronika)	od 22,00 do 23,30
Noćni muzički program	od 23,30 do 06,00

PROGRAMSKI SADRŽAJI RADIO VOGOŠĆA



Krajem prošle godine završen je proces redizajniranja web-stranice www.rtvvogosca.ba na kojoj je u 2025. godini objavljeno oko 1000 tekstova. Uvrštene su nove rubrike, integrisana multimedija, poboljšana preglednost i uspostavljena interakcija s publikom, dok je naša Facebook stranica samo u prethodnih 90 dana imala preko 400 000 pregleda.

MARKETING

Već smo ranije, u našim planovima i izvještajima, govorili o provedenim analizama na području BiH vezanih za medijski marketing koji nam ne idu u prilog. Međutim, naše Preduzeće još uvijek i unazad nekoliko godina, bilježi blagu tendenciju opadanja prihoda od marketinga zbog sve manje zainteresovanosti pravnih subjekata za ovu vrstu oglašavanja koja je, između ostalog, rezultat dostupnosti reklamiranja putem internet platformi. Shodno tome i ovo što je urađeno je, u ovom momentu više nego zadovoljavajuće.

Intencija marketinga RTV Vogošća je da pokušamo uvijek zaraditi više. Prvi preduslov za zaradu je ponuda i shodno tome, odnosno programu koji proizvedemo, pravimo naše ponude prema potencijalnim poslovnim partnerima.



Ono što je važno napomenuti jeste da smo, kod nekih komintenata, izgradili povjerenje i da već duži niz godina ostvarujemo saradnju na obostrano zadovoljstvo. Nažalost u ovoj godini prvi put unazad skoro dvije decenije nismo ostvarili ugovor sa kompanijom BHTelecom koja je bila naš najveći komitent gdje smo na ime te saradnje ostvarivali značajna finansijska sredstva.

Sa skromnim kapacitetima i svim ograničenostima ponudimo uvijek nešto novo kako bi napravili što bolju ponudu i na takav način obezbijedili prihod, što smo pokazivali i do sada. Nažalost, mali je broj vogošćanskih privrednika koji prepoznaju prednost oglašavanja na lokalnoj RTV Vogošća. Otežavajuća okolnost jeste proizvodnja neatraktivnog programa koji smo obavezni proizvoditi prema pravilima Regulatorne agencije za komunikacije.

Jedini način da zaradimo su naše usluge: oglašavanje i produkcija. Oglašavanje direktno zavisi od atraktivnosti programa, pokrivenošću signalom i cijene.

U izvještajnom periodu smo na ime produkcije nastavili saradnju sa dugogodišnjim partnerom Općinom Ilijaš te producirali mjesečne emisije za navedenu općinu. U izvještajnoj godini nismo ostvarili saradnju sa federalnim Ministarstvom kulture i sporta u smislu doprinosa promociji tradicionalnih kultura od značaja za Federaciju BiH koju smo ranije ostvarivali u kontinuitetu. U smislu emitovanja smo realizovali ugovorenu saradnju sa Produkcijom Fiva koja producira hroniku Općine Novi Grad sa adekvatnom finansijskom nadoknadom.

Sa predstavništvom IRIB-a u Sarajevu smo implementirali Ugovor koji nam je donio dvostruku korist: programsku i finansijsku.

U oglašivačkom smislu smo ostvarivali komercijalnu saradnju sa poslovnim partnerima i nekomercijalnu saradnju sa civilnim sektorom u koji ubrajamo i humanitarni karakter. Svakako ćete prepoznati da pronalazimo načina da uspostavimo saradnju sa privrednicima koji pokreću svoje biznise u Vogošći i nas prepoznaju kao partnera u promociji svojih aktivnosti čemu ide u prilog ostvarivanje saradnje sa privrednicima koji su svoje poslovanje započeli ili proširili u Vogošću.

RTV Vogošća je kao društveno odgovorna firma učestvovala u mnogim humanitarnim, kulturnim, sportskim, boračkim i dešavanjima od opšteg interesa na način da je ustupala svoje resurse u smislu oglašavanja na zahtjev organizatora.

FINANSIJSKI IZVJEŠTAJ

RTV VOGOŠĆA prikazuje finansijski izvještaj u skladu sa Međunarodnim standardima finansijskog izvještavanja (MSFI) te ima pozitivno mišljenje Nezavisnog revizora.

r.b	E kod	OPIS	PLAN 2025	31.12.25.	%
1	2	3	4	5	6
		PRIHODI			
		Vlastiti prihod*	142000	135323	95
1	6116	Prihodi od marketniga	90000	84665	94
2	61160	Prihodi od praćenja lokalnih zajednica	22000	20855	95
3	6552	Prihodi od Zavoda za zapošljavanje	19000	25000	132
4	6550	Potpore viših nivoa vlasti i institucija	5000	0	0
5	6590	Ostali prihodi	6000	4803	80
		Prihodi iz budžeta Općine	390000	461000	118
6	65021	Prihodi za tekuće izdatke*	320000	391000	122



RADIO I TELEVIZIJA VOGOŠĆA

7	65020	Prihodi za kapitalne izdatke i dozvole*	20000	20000	100
8	65022	Prihodi za projekte	10000	10000	100
9	65023	Prihodi za sufinansiranje dozvola i nabavke programa	10000	10000	100
10	65000	Prenos kapitalnih sredstava iz prethodne godine	30000	30000	100
		Ukupno prihodi*	532000	596323	112

*Komentar:

✓ Izvršenjem plana na stavci "vlastiti prihodi" od 95 u indexu možemo biti zadovoljni. Međutim, ako uzmemo u obzir sve stavke koje u zbiru idu pod vlastite prihode, onda vidimo da izvršenje nekih stavki nije ostvareno. "Potpora viših nivoa vlasti" je nešto na šta nemamo direktni uticaj te kao takve mogu biti u debalansu.

✓ "Prihodi za tekuće izdatke" su uvećani zbog Odluke vlade federacije BiH o minimalnoj plaći koja je direktno uticala na finansije Preduzeća.

✓ "Prihodi za kapitalne izdatke i dozvole" u visini od 20 000 nisu utrošeni u 2025. godini te su isti preneseni u 2026. godinu što objašnjava činjenicu viška prihoda u istom iznosu.

✓ Index 112 na stavci "Ukupni Prihodi" pokazuje da možemo biti zadovoljni, uzimajući u obzir sve prethodno navedene činjenice, što potvrđuje dobru saradnju sa Osnivačem.

r.b	E kod	OPIS	PLAN 2025	31.12.25.	%
1	2	3	4	5	6
		RASHODI			
		Bruto plate i naknade	410000	463010	113
1	5200	Bruto plate	330000	354432	107
2	5240	Topli obrok*	32000	56563	177
3	5242	Naknade za prevoz	6000	4816	80
4	5243	Naknade za regres	8000	9800	123
5	5247	Naknade za uposlenike (pomoć, otpremnine)*	1000	2900	290
6	5291	Naknade za honorarne poslove	22000	23699	108
7	5300	Naknada za upravna tijela	11000	10800	98
		Materijalni troškovi	49000	49396	101
9	5118	Troškovi materijal i održavanja	4000	3571	89
10	5121	Troškovi toplotne i električne energije	14000	13070	93
11	5122	Troškovi goriva	3000	2169	72
12	5328	Troškovi osiguranja vozila, registracije, parkinga i sl.	3000	2248	75
13	5350	Troškovi oglašavanja, reklame i sl.	1500	1761	117
15	5501	Troškovi komunalija	2000	1963	98
16	5502	Troškovi računovodstvenih i revizorskih usluga	8000	9314	116
17	5510	Troškovi reprezentacije	1500	522	35
18	5530	Troškovi taksi i naknada	3500	3427	98
19	5540	Troškovi PTT*	8500	11351	134
		Kapitalna ulaganja i troškovi	73000	60581	83
20	00220	Nabavka studijske-režijske opreme*	50000	31572	63
21	05112	Troškovi scenografije*	1000	3103	310
22	05141	Troškovi sitnog inventara, zaštite na radu...*	2000	5125	256
23	5391	Nabavka programa	14000	13662	98
24	5330	Troškovi zakupa frekvencije*	4000	4664	117
25	5558	Troškovi autorskih i srodnih prava	2000	2455	123
		Ukupno rashodi	532000	572987	108

***Komentar**

✓ „Topli obrok“: U izvještajnom periodu u skladu sa odredbama Kolektivnog ugovora za službenike organa uprave i sudske vlasti u Federaciji Bosne i Hercegovine Preduzeće je isplaćivalo jednim dijelom godine topli obrok u cijelosti u novcu, a stavka je povećana i obzirom na povećanje prosječne plate koja utiče na iznos ovoga troška.

✓ „Naknade za uposlenike (pomoć, otpremnine...)“: Najveći dio realizovanog iznosa odnosi se na jednokratnu pomoć isplaćenu radnicima u skladu sa odredbama Uredbe Vlade FBiH.

✓ „Troškovi PTT“: Zbog uvođenja novih tehnika i tehnologija radi unapređenja procesa rada i adekvatne realizacije novih programskih sadržaja Preduzeće je putem postupka javne nabavke pribavilo novu uslugu interneta čija cijena je veća za razliku realizacije u odnosu na plan.

✓ „Nabavka studijske-režijske opreme“: Ova Stavka nije realizovana u potpunosti iz razloga prethodno navedenih te se razlika prenosi u narednu godinu.

✓ Stavka „Troškovi scenografije“: Vezano za obazloženje pod troškovima PTT-a, izvršena su dodatna ulaganja u nabavku scenografije.

✓ „Troškovi sitnog inventara, zaštite na radu...“: U skladu sa odredbama Zakona o zaštiti na radu izrađeni su novi akti (Pravilnik o zaštiti na radu i Procjena ugroženosti radnih mjesta). Zbog posebnih zahtjeva izrade dokumenata angažovana je firma čiji trošak je dodat na ovu stavku.

✓ „Troškovi zakupa frekvencije“: Prilikom izrade Plana poslovanja načinjena je tehnička greška, a kako zbog nedostatka organa upravljanja i nadzora nije se mogao sačiniti rebalans, stavka prividno odstupa, a zapravo je trošak po realizaciji uravnotežen.

U izvještajnom periodu evidentno je ostvarenje viška prihoda nad rashodima čime je Preduzeće poslovalo pozitivno. Takođe je bitno napomenuti da pojedine stavke u realizaciji u odnosu na plan prividno odstupaju obzirom da nismo bili u mogućnosti, a kako je to uobičajeno, rebalansirati plan do sredine godine. Naime, već u prvih nekoliko mjeseci kada su porasli troškovi plaća i naknada iz radnog odnosa te troškovi nabavke roba, radova i usluga javila se potreba za rebalansom, a naročito i nakon rebalansa Budžeta Općine Vogošća. Međutim, organi upravljanja i nadzora Preduzeća u potpunosti su formirani tek krajem godine kada je donesena odluka da se ne ide u tom pravcu na kraju poslovne godine.

OBRAĐIVAČ

JP RTV Vogošća

**PREDLAGAČ**

NO JP RTV Vogošća



Na osnovu člana 70. stav 1. tačka 16. Statuta Općine Vogošća („Službene novine Kantona Sarajevo“, broj: 27/14 – prečišćeni tekst, 14/15, 9/20 i 23/24) i člana 103. Poslovnika Općinskog vijeća Vogošća („Službene novine Kantona Sarajevo“, broj: 27/14 – prečišćeni tekst, 18/15, 45/15, 10/16, 51/18, 28/20) Općinsko vijeće Vogošća na sjednici održanoj _____ 2026. godine, donijelo je

Z A K L J U Č A K
o usvajanju Izvještaja o radu i finansijskog izvještaja JP RTV VOGOŠĆA d.o.o.
Vogošća za 2025. godinu

Usvaja se Izvještaj o radu i finansijski izvještaj JP RTV VOGOŠĆA d.o.o. Vogošća za 2025. godinu

Broj: 01-_____/26
Vogošća, _____.2026. godine

PREDSJEDAVAJUĆI
OPĆINSKOG VIJEĆA VOGOŠĆA

Nihad Hadžić